

15-vaziyat.

Keys bayoni. Alisherning xotirasi juda yaxshi. Shuning uchun, u axborotlarni, matnlarni, qo'shiqlarni osongina yod oladi. Bayramlarni o'tkazish vaqtida Alisher o'zining rolini o'ynash bilan birga, boshqa bolalarning roliga suflyorlik qiladi, bu bilan boshqa bolalarning o'zlarini namoyon qilishlariga xalaqit beradi, bayramning borish qoidasiga xilof ish qiladi.

Keysga savol- vazifa:

Bu vaziyatda qanday yo'l tutish kerak?

Yechim variantlari:

1-variant. Alisherga alohida – suflyor rolini berish. “Sening vazifang: chiqishlar qilinayotgan vaqtda bolalar aytadigan so'z-larini yodlaridan chiqarib qo'ymasliklarini kuzatib borishdan iborat. Agar bolalarning aytadigan so'zlari yodidan ko'tarilgan bo'lsa, sen sekingina aytib berasan».

2-variant. Bayramga qadar Alisher bilan “Haqiqiy artist o'zini qanday tutishi kerak”ligi haqida suhbatlashish lozim.

3-variant. Alisherni boshqa faoliyat turlari (to'garak ishi)ga qiziqtirish kerak.

4-variant. Ota-onalar bilan ishlash kerak. Ota-onalarni Alisher xulqiga nisbatan qanday munosabatda bo'lishlarini aniqlash lozim. Agar ota-onalar muammoni tushunmasalar, u holda shunga o'xshash o'zini-o'zi baholashni shakllantirish masalalari bo'yicha ishlar olib borishga harakat qilish zarur.

Manba: “Maktabgacha ta'lim pedagogikasi”, “Maktabgacha yoshdagi bolalarni maktabga tayyorlash metodikasi”.